

**Oqaluuserisassanut nassuiaat.**

(Inatsisartut Siulittaasuat)

Naalakkersuisut oqaluuserisassani immikkoortoq 128 tunuartippaat: Uunga siunnersuut: Meeqqanut ikiorsiisarneq pillugu Inatsisartut inatsisaat nr. xx, xx.xx 2016-imeersoq.

Suka K. Frederiksen, Siumut, Inatsisartunit sulinngiffeqarnissaminik qinnuteqarpoq. Nikolaj Jeremiassen, Siumut, sulinngiffeqarnini atorunnaarsippaa.

Hans Enoksen, Partii Naleraq, sulinngiffeqarnissaminik qinnuteqarpoq, sinniisussarlu Henrik Fleischer ataatsimiigialaquneqarluni Qinigaanerup Misilinneqarnissaanut Ataatsimiititaliap Henrik Fleischerip qinigaasinnaanera akueraa.

Matumuuna inassutigaa Hans Enoksen sinnerlugu Henrik Fleischerip Inatsisartut ataatsimiinnerannut peqataasinnaanera Inatsisartut akuerissagaat.

Akerliusoqarnerluni.....

Henrik Fleischer, tikilluarit, Inatsisartuni issiavissannut ingissinnaangorputit.

Hans Aronsen, Inuit Ataqtigiit, napparsimalluni sulinngiffeqareerluni Inatsisartuni atuuffimminut uteqqippoq.

Hans Aronsen angallannikkut pissutsit tunngavigalugit suli apuutinnigilaq.

Aqqaluaq B. Egede, Inuit Ataqtigiit, sulinngiffeqarnissaminik qinnuteqarpoq, sinniisussarlu Kelly Berthelsen Aqqaluaq B. Egedep sulinngiffeqarnerani Inatsisartuni ingerlaannassalluni.

Agathe Fontain, Inuit Ataqtigiit, sulinngiffeqarnissaminik qinnuteqarpoq, sinniisussarlu Bendt B. Kristiansen ataatsimiigialaquneqarluni. Qinigaanerup Misilinneqarnissaanut Ataatsimiititaliap Bendt B. Kristiansenip qinigaasinnaanera akueraa.

Matumuuna inassutigaara Agathe Fontain sinnerlugu Bendt B. Kristiansenip Inatsisartut ataatsimiinnerannut peqataasinnaanera Inatsisartut akuerissagaat.

Akerliusoqarnerluni.....

Bendt B.Kristiansen, tikilluarit, Inatsisartuni issiavissannut ingissinnaangorputit.

Múte Bourup Egede, Inuit Ataqtigiit, sulingiffeqarnissaminik qinnuteqarpoq, sinniisussarlu Villy Olsvig ataatsimiigiqquneqarluni. Qinigaanerup Misilinneqarnissaanut Ataatsimiititaliap Villy Olsvigip qinigaasinnaanera akueraa.

Matumuuna inassutigaara Múte Bourup Egede sinnerlugu Villy Olsvigip Inatsisartut ataatsimiinnerannut peqataasinnaanera Inatsisartut akuerissagaat.

Akerliusoqarnerluni.....

Villy Olsvig, tikilluarit, Inatsisartuni issiavissannut ingissinnaangorputit.

Randi Vestergaard Evaldsenip Nivi Olsenillu, Demokratiit, Inatsisartunit sulingiffeqarnitik atorunnaarsippaat, taamalu ilaasortanngoqqillutik.

Knud Kristiansenip Mala Høy Kukollu, Atassut, Inatsisartunit sulingiffeqarnertik atorunnaarsippaat, taamalu ilaasortanngoqqillutik.

Siulittaasoqarfiup aalajangerpaa ullumi ulloq sapaatit akunneranni matumani kisiartaalluni ataatsimiiffiussasoq. Inatsisartut tullianik ataatsimiissapput marlunngornermi ulloq 8. november, UKA2016-ip sinneranut oqaluuserisassat allannguutaat kingusinnerusukkut nalunaarutigineqarumaarput.

**Ilaasortat uku akornanni taasisarnerit pillugit isumaqtigiissuteqartoqarpoq:**

Karl-Kristian Kruse, Siumut aamma Ane Hansen, Inuit Ataqtigiit

Hans Aronsen, Inuit Ataqtigiit aamma Nivi Olsen, Demokraatit

Mala Høy Kuko, Atassut aamma Debora Kleist, Inuit Ataqtigiit

Knud Kristiansen, Atassut aamma Iddimanggiu Bianco, Inuit Ataqtigiit

